

ხელშეკრულება № 47
(სახელმწიფო შესყიდვების შესახებ)

ქ. თბილისი

04 თებერვალი 2020 წ.

ერთის მხრივ შ.პ.ს. „ფსიქიკური ჯანმრთელობის და ნარკომანიის პრევენციის ცენტრი“ (ს/კ 404945164) (შემდგომში „შემსყიდველი“) წარმოდგენილი მისი გენერალური დირექტორის ლაშა კილაძის სახით და მეორეს მხრივ, შპს „D&L“ (ს/კ 236096826) (შემდგომში „მიმწოდებელი“) წარმოდგენილი მისი დირექტორის ლევან სოლოლაშვილის სახით, შ.პ.ს. „ფსიქიკური ჯანმრთელობის და ნარკომანიის პრევენციის ცენტრის“ მიერ 2019 წლის 06 დეკემბერს სატრანსპორტო საშუალებებისა და მათთან დაკავშირებული მოწყობილობების შეკეთება, ტექნიკური მომსახურება და მასთან დაკავშირებული მომსახურებების შესყიდვის მიზნით გამოცხადებული ელექტრონული ტენდერის (პრეისკურანტით) SPA190005887 შედეგების მიხედვით დებენ წინამდებარე ხელშეკრულებას შემდეგზე.

1. ხელშეკრულების საგანი

1.1. შ.პ.ს. „ფსიქიკური ჯანმრთელობის და ნარკომანიის პრევენციის ცენტრის“ შემოსავლების ფარგლებში სატრანსპორტო საშუალებებისა და მათთან დაკავშირებული მოწყობილობების შეკეთება, ტექნიკური მომსახურება და მასთან დაკავშირებული მომსახურებების შესყიდვა.(CPV501000000)

2. ხელშეკრულების საერთო ღირებულება

2.1 ხელშეკრულების საერთო ღირებულება შეადგენს 40 000.00 (ორმოცი ათასი) ლარს.

2.2 მომსახურების ერთეულის ღირებულებები განისაზღვრება მიმწოდებლის მიერ წარმოდგენილი კორექტირებული პრეისკურანტის მიხედვით, რომლის საერთო ღირებულება შეადგენს 104 995.55 (ას ოთხი ათას ცხრაას ოთხმოცდათხუთმეტი ლარი და 55 თეთრი) ლარს.

3. ხელშეკრულების შესყიდვის ობიექტი

3.1. ხელშეკრულების (შესყიდვის) ობიექტია: სატრანსპორტო საშუალებებისა და მათთან დაკავშირებული მოწყობილობების შეკეთება, ტექნიკური მომსახურება და მასთან დაკავშირებული მომსახურებები (შემდგომში მომსახურება მიმწოდებლის მიერ SPA190005887 ტენდერში დაფიქსირებული საბოლოო პრეისკურანტის (რომელიც წარმოადგენს წინამდებარე ხელშეკრულების განუყოფელ ნაწილს) და ხელშეკრულების თანმხლები დანართი №1 ის შესაბამისად. რომლებიც წარმოადგენს ხელშეკრულების განუყოფელ ნაწილს.

4. შესყიდვის ობიექტის ხარისხი

4.1. შესყიდვის ობიექტის ხარისხი უნდა შეესაბამებოდეს „მიმწოდებლის“ მიერ სატენდერო წინადადებაში და ტექნიკურ დოკუმენტაციაში ასახულ ინფორმაციას.

4.2. შესყიდვის ობიექტის უზარისხოვრის შემთხვევაში „შემსყიდველი“ წერილობით აცნობებს „მიმწოდებელს“ წუნდების მიზეზების მითითებით. „მიმწოდებელი“ საკუთარი ხარჯებით უზრუნველყოფს შესყიდვის ობიექტის ნაკლის აღმოფხვრას „შემსყიდველის“ ინტერესების გათვალისწინებით.

5. შესყიდვის ობიექტის მიწოდების პირობები, ადგილი და ვადები.

5.1. „მომსახურების“ მიწოდება განხორციელდება ეტაპობრივად, მიმწოდებლის სატენდერო წინადადებისა და „შემსყიდველის“ მოთხოვნის შესაბამისად.

5.2. მომსახურების მიწოდების ადგილი – ქ. თბილისი, მუხიანის დასახლება, აქვსენტ ისაკიანის ქუჩაზე მდებარე რადიოქარხნის მოპირდაპირე მხარე (ნაკვეთი 05/014).

5.3. მომსახურების მიწოდების ვადაა ხელშეკრულების გაფორმებიდან 2020 წლის 31 დეკემბრის ჩათვლით.

6. შესყიდვის ობიექტის მიღება-ჩაბარების წესი

6.1. „მიმწოდებლის“ მიერ თვის განმავლობაში გაწეული მომსახურების შესახებ შესაბამისი დოკუმენტის (სადეფექტო აქტი/მიღება ჩაბარების აქტი) წარდგენა „შემსყიდველისათვის“ წარმოებს გაფორმებიდან არაუგვიანეს 5 სამუშაო დღის ვადაში.

6.2. „მიმწოდებელმა“ უნდა უზრუნველყოს შემსყიდველისათვის 6.1. პუნქტში მითითებული დოკუმენტაციის წარდგენა დროულად. პასუხისმგებლობა „შემსყიდველის“ მიერ აღნიშნული დოკუმენტაციის დაგვიანებით მიღების ან მიუღებლობის შედეგად წარმოქმნილი ყველა ხარჯისათვის ეკისრება „მიმწოდებელს“.

6.3. „მომსახურების“ მიღების დროს გამოვლენილი დეფექტისა და ნაკლის აღმოფხვრას, აუცილებლობის შემთხვევაში გამოცვლას საკუთარი ხარჯებით უზრუნველყოფს „მიმწოდებელი“.

6.4. შემსყიდველის მხრიდან დეფექტურ აქტზე/მიღება ჩაბარების აქტზე ხელმოწერის უფლებამოსილება ენიჭება ცენტრის მატერიალურ ტექნიკური უზრუნველყოფის სამსახურის თანამშრომელს, კომენდანტს ნიკოლოზ ჭაობაშვილს..

6.5 ხელშეკრულების დადების შემდეგ, პრეისკურანტში მომსახურების რომელიმე ერთეულის არარსებობისას, აღნიშნული ერთეულის ფასი მისი შესყიდვის აუცილებლობისას, დგინდება შემსყიდველი ორგანიზაციისა და მიმწოდებლის შეთანხმებით საბაზრო ფასის გათვალისწინებით. ასეთ შემთხვევაში პრეისკურანტში შესაბამისი მომსახურების ერთეულის არარსებობით გამოწვეული შესყიდვის ხვედრითი წილი არ შეიძლება აღემატებოდეს მიმწოდებლის მიერ ელექტრონული ვაჭრობის შედეგად დაფიქსირებული პრეისკურანტის საბოლოო ჯამური ღირებულების 10%-ს.

6.6 შემსყიდველის მხრიდან, მიმწოდებლის გაწეული მომსახურების, (მათ შორის „გამარტივებული 6.5 პუნქტით დადგენილი შემთხვევის დროს, შესყიდვის საჭიროებისა და საბაზრო ფასების შესაბამისობის დადგენისას) მონიტორინგის განმახორციელებელ უფლებამოსილ/პასუხისმგებელ პირად განისაზღვროს ცენტრის მატერიალურ ტექნიკური უზრუნველყოფის სამსახურის თანამშრომელი, ედვარდ მარღანია.

7. ანგარიშსწორების წესი, ფორმა და ვადები

7.1. ანგარიშსწორება გახორციელდება ეტაპობრივად, თვეში ერთხელ, საანგარიშო თვეში მხარეთა შორის გაწეული მომსახურების დამადასტურებელი ჯამური დეფექტური/მიღება ჩაბარების აქტის გაფორმებიდან 10 (ათი) სამუშაო დღის ვადაში.

7.2. ანგარიშსწორება განხორციელდება ლარებში.

7.3 ანგარიშსწორების ფორმა - უნაღდო ანგარიშსწორება.

8. პირგასამტეხლო

8.1. ხელშეკრულებით ნაკისრი ვალდებულებების ხელშეკრულებით განსაზღვრული ვადების გადაცდენის შემთხვევაში მიმწოდებელს ეკისრებათ პირგასამტეხლოს გადახდა, ყოველ გადაგადაცილებულ დღეზე ხელშეკრულების ღირებულების 0,2%-ის ოდენობით.

8.2. ხელშეკრულებით განსაზღვრული ნაკისრი ვალდებულებების სრულად ან ნაწილობრივ (ცალკეული პუნქტების) არაჯეროვანი შესრულების შემთხვევაში შემსყიდველი უფლებამოსილა დააკისროს მიმწოდებელს პირგასამტეხლო ხელშეკრულების ღირებულების 2%-ის ოდენობით. არაჯეროვან შესრულებაში მოაზრებასაგარანტიო პირობებთან დაკავშირებული ვადების დარღვევაც,

8.3 იმ შემთხვევაში თუ მიმწოდებლის მიერ გაწეული მომსახურების/აღებული ვალდებულებების არაჯეროვანი შესრულების გამო, შემსყიდველის მიერ მოხდა ხელშეკრულების ცალმხრივად შეწყვეტა, მიმწოდებელი ჯარიმდება ხელშეკრულების ღირებულების 10%-ით.

8.4 იმ შემთხვევაში, თუ პირგასამტეხლოს ჯამური თანხა გადაჭარბებს ხელშეკრულების ღირებულების 2%-ს შემსყიდველს უფლება აქვს (და არა ვალდებულება) ცალმხრივად შეწყვიტოს ხელშეკრულება და მოითხოვოს მიყენებული ზარალის ანაზღაურება.

8.5 საჯარიმო სანქციების გადახდა არ ათავისუფლებს მხარებს ძირითადი ვალდებულებების შესრულებისაგან.

8.6 მიმწოდებელი ვალდებულებას იღებენ უზრუნველყონ პირგასამტეხლოს თანხის გადახდა წერილობითი შეტყობინების მიღებიდან 10 (ათი) დღის განმავლობაში. შემსყიდველის ასევე უფლებამოსილია მოახდინოს პირგასამტეხლოს/საჯარიმო თანხის გამოკლება ასანაზღაურებელი თანხიდან.

8.7 იმ შემთხვევაში თუ ხელშეკრულების გაფორმების შემდეგ მიწოდებული უარს განაცხადებს მის შესრულებაზე შემსყიდველს ერთჯერადად გადაუხდის ჯარიმის სახით ხელშეკრულების ღირებულების 20%-ს.

8.8. ჯარიმის გადახდა არ ათავისუფლებს მიმწოდებელს დანარჩენი ვალდებულებების შესრულებისაგან.

9. მხარეთა უფლება-მოვალეობები

9.1. „შემსყიდველი“ ვალდებულია:

9.1.1. აცნობოს „მიმწოდებელს“ ყველა მომხდარ ცვლილებათა შესახებ, რომელიც პირდაპირ ან ირიბად შეიძლება ეხებოდეს ხელშეკრულების პირობებს.

9.2. „მიმწოდებელი“ ვალდებულია:

9.2.1. მიაწოდოს „შემსყიდველს“ „საქონელი“, რომელიც სრულად შეესაბამება ხარისხით და სხვა მონაცემებით „შემსყიდველის“ დაკვეთას.

9.3. „შემსყიდველი“ უფლებამოსილია:

9.3.1. მოითხოვოს „მიმწოდებლისგან“ ხელშეკრულების ყველა პუნქტის შესრულება.

9.3.2. უარი განაცხადოს ხელშეკრულების პირობების შესრულებაზე იმ შემთხვევაში, თუ „მიმწოდებელი“ დაარღვევს ხელშეკრულებით ნაკისრ ვალდებულებებს ან მის წინაშე დადგება დაუძლეველი ძალა.

9.3.3. არ სცნოს „მიმწოდებლის“ არცერთი ვალდებულება, რომელიც არაა განსაზღვრული ამ ხელშეკრულებით.

9.3.4. მიმართოს სასამართლოს ან სხვა შესაბამის ორგანოებს „მიმწოდებლის“ მიერ ხელშეკრულების პირობების დარღვევის გამო და მოითხოვოს ზარალის ანაზღაურება;

9.4.1. მოითხოვოს „შემსყიდველისაგან“ მის მიერ მიწოდებული „საქონლის“ ღირებულების სრული ანაზღაურება.

9.4.2. განაცხადოს უარი ხელშეკრულების შესრულებაზე ან მის გაგრძელებაზე, თუ „შემსყიდველის“ მიერ სახელშეკრულებო პირობების შეუსრულებლობის გამო მისთვის შეუძლებელი ხდება „საქონლის“ მიწოდება ან მის წინაშე დადგა დაუძლეველი ძალა.

9.4.3. აწარმოოს მოლაპარაკება „შემსყიდველთან“ სახელშეკრულებო პირობებში კანონით დაშვებული ცვლილებების შეტანისათვის.

9.4.4. მიმართოს სასამართლოს ან სხვა შესაბამის ორგანოებს „შემსყიდველის“ მიერ ხელშეკრულების პირობების დარღვევის გამო.

10. მხარეთა პასუხისმგებლობა ხელშეკრულების პირობების

დარღვევისათვის

11.1 მხარეები სრულად იღებენ პასუხისმგებლობას ხელშეკრულების სრული და უპირობო შესრულებისათვის.

11.2. ამასთან მხარეები სრულად იღებენ პასუხისმგებლობას მოახდინონ მიყენებული რეალური ზარალის ანაზღაურება, რომელსაც ექნება შესაბამისი დადასტურება.

- 11.3. ხელშეკრულების პირობების ცალმხრივი შეუსრულებლობა მხარეთა შორის დადებული შეთანხმების გარეშე, განურჩევლად მისი ობიექტური მიზეზისა გამოიწვევს საჯარიმო სანქციებს.
- 11.4. ხელშეკრულების შეწყვეტა მთლიანი ან ნაწილობრივი შეწყვეტა მხარეთა მიერ წერილობითი შეტყობინების გარეშე და ამ შეტყობინებაზე წერილობითი პასუხის მიღების გარეშე დაუშვებელია.
- 11.5. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, „მიმწოდებლისათვის“ ვალდებულებების შეუსრულებლობის წერილობითი შეტყობინების შემდეგ:
- 11.5.1. თუ მიმწოდებელს ხელშეკრულებით გათვალისწინებულ ან „შემსყიდველის“ მიერ გაგრძელებულ ვადებში არ შეუძლია მიაწოდოს „საქონელი“;
- 11.5.2. თუ მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება, რომელიც ცვლის პირობებს, რის გამოც ვერ განხორციელდება „მომსახურების“ მიწოდება სრულად ან დადგენილ ვადებში.
- 11.6. ხელშეკრულების ცალკეული პირობების მოქმედების შეწყვეტა არ ათავისუფლებს „მიმწოდებელს“ დანარჩენი ვალდებულებების შესრულებისგან.
- 11.7. „შემსყიდველს“ შეუძლია მიიღოს გადაწყვეტილება ხელშეკრულების შეწყვეტის შესახებ:
- 11.7.1. თუ ხელშეკრულების შესრულების გაგრძელება მიზანშეუწონელია „შემსყიდველის“ ფინანსური ინტერესებიდან გამომდინარე;
- 11.7.2. თუ „შემსყიდველისათვის“ ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- 11.7.3. „მიმწოდებლის“ გაკოტრების შემთხვევაში.
- 11.8. საჯარიმო სანქციები რეგულირდება საქართველოს მოქმედი კანონმდებლობის შესაბამისად.

12. დაუძლეველი ძალის მოქმედება

- 12.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის დაუძლეველ გარემოებათა შედეგი.
- 12.2. ამ მუხლის მიზნებისათვის დაუძლეველი ძალა ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული „შემსყიდველისა“ და/ან „მიმწოდებლის“ შეცდომებსა და დაუდევრობასთან და მას გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იყოს საბრძოლო მოქმედებებით, წყალდიდობით, ეპიდემიით, კარანტინით, და სხვა მასთან გათანაბრებული მოვლენებით, რომელსაც ცნობენ მხარეები.
- 12.3. დაუძლეველი გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება აღწერილობით გარემოებებისა და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისგან წერილობით პასუხს, იგი თავისი შეხედულებებისამებრ, მიზანშეწონილობისა და შესაძლებლობათა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან დაუძლეველი გარემოებების ზეგავლენისგან.
- 12.4. დაუძლეველი ძალის არსებობა, უკიდურეს შემთხვევათა გარდა, უნდა იყოს დადასტურებული ოფიციალური ორგანოების მიერ, პრესის ან სხვა მხარეებისათვის მისაღები ფორმით.

13. სადაო საკითხების გადაწყვეტა

- 13.1. „შემსყიდველმა“ და „მიმწოდებელმა“ უნდა იხმაროს ყველა ღონე, რათა მათ შორის ყველა უთანხმოება და დავა, წარმოქმნილი ხელშეკრულების ან მასთან დაკავშირებული სხვა კომპონენტის ირგვლივ, მოაგვარონ მოლაპარაკების წესით.
- 13.2. თუ „შემსყიდველი“ და „მიმწოდებელი“ ვერ შეძლებენ სადაო საკითხის მოგვარებას მოლაპარაკების გამართვის შემდეგ, ნებისმიერ მხარეს დავას გადაწყვეტის მიზნით შეუძლია დადგენილი წესის მიხედვით მიმართოს სასამართლოს, რის შესახებაც იგი წინასწარ აცნობებს მეორე მხარეს.

14. გამოსაყენებელი სამართალი

- 14.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონის მიხედვით.

15. ხელშეკრულების ენა

- 15.1. ხელშეკრულების ენაა ქართული. ხელშეკრულებასთან დაკავშირებული წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის უნდა შეესაბამებოდეს სახელშეკრულებო პირობებს.

16. ურთიერთობა მხარეებს შორის

- 16.1. ნებისმიერი შეტყობინება, რომელსაც ერთი მხარე, ხელშეკრულების შესაბამისად უგზავნის მეორე მხარეს, გაიგზავნება წერილის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.
- 16.2. შეტყობინება ძალაში შედის ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო ადრე დადგება.

17. ხელშეკრულების სხვა პირობები

- 17.1. ხელშეკრულებაში ცვლილებების შეტანა ხდება მხოლოდ მხარეების მიერ წერილობითი შესწორებით და ფორმდება ხელშეკრულების დანამატის სახით, რომელიც წარმოადგენს ხელშეკრულების განუყოფელ ნაწილს.

- 17.2. „მიმწოდებელს“ არ აქვს უფლება წერილობითი თანხმობის გარეშე მოახდინოს მესამე პირისათვის უფლებების გადაცემა.
- 17.3. ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები, გარდა საქართველოს სამოქალაქო კოდექსით განსაზღვრული შემთხვევებისა.
- 17.4. ხელშეკრულების შესრულების შეფერხების შემთხვევაში მხარეები დაუყოვნებლივ წერილობით ატყობინებენ ერთმანეთს და ღებულობენ ერთობლივ გადაწყვეტილებას.

18. ხელშეკრულების მოქმედების ვადა

- 18.1. ხელშეკრულება შედის ძალაში მხარეთა მიერ ხელშეკრულებაზე ხელის მოწერის თარიღიდან.
- 18.2. ხელშეკრულების მოქმედების ვადა განისაზღვრება: 2021 წლის 31 იანვრის ჩათვლით, გარდა ხელშეკრულების მე-8 მუხლისა და ტექნიკური დავალების „ლ“ და „პუქტებისა. ამ მუხლების მოქმედების ვადაა 2021 წლის 31 დეკემბრის ჩათვლით.
- 18.3. ხელშეკრულების მოქმედების ვადებში ცვლილება შესაძლებელია მხოლოდ მხარეთა ურთიერთშეთანხმებით.
- 18.4. ურთიერთობა მხარეებს შორის წყდება მხარეების მიერ ყველა ვალდებულებათა შესრულებისა და დებიტორულ-კრედიტორულ დავალიანებათა დაფარვის შემდგომ.

19. განსაკუთრებული შენიშვნები

- 19.1. ხელშეკრულება დგება სამ თანაბარძალოვან ეგზემპლარად, საიდანაც ერთი ეგზემპლარი გადაეცემა „მიმწოდებელს“.
- 19.2. ხელშეკრულება დამოწმებულია კვალიფიციური ელექტრონული ხელმოწერით ან/და კვალიფიციური ელექტრონული შტამპით.
- 19.3. ხელშეკრულება ძალაში შედის მიმწოდებლის მხრიდან ხელშეკრულებაზე კვალიფიციური ელექტრონული ხელმოწერით ან/და კვალიფიციური ელექტრონული შტამპით დამოწმების თარიღიდან.

20. მხარეთა რეკვიზიტები

„შემსყიდველი“
შ.პ.ს. „ფსიქიკური ჯანმრთელობის და ნარკომანიის პრევენციის ცენტრი“

რეკვიზიტები:
ს/კ 404945164;
„თიბისი ბანკი“ ც/ფ, ბ/კ TBCBGE22;
ა/ა GE75TB7810436020100002;
მის: თბილისი, ქავთარაძის ჩიხი №2

გენერალური დირექტორი:
ლ. კილაძე

„მიმწოდებელი“
შპს „D&L“

რეკვიზიტები:
ს/კ 236096826
ბანკი სს „ტერა ბანკი“
ბ/კ TERA22
ა/ა GE63KS0000000360205885
მის: ქ. თბილისი, არმაზის ქ 2 კ 3 ბ5
საკ/ინფორმაცია 599 13 54 08

დირექტორი:
ლ. სოლოლაშვილი

ტექნიკური დავალება:

ა) მომსახურება მიმწოდებელმა შემსყიდველს უნდა გაუწიოს ყოველდღე შაბათ-კვირის ჩათვლით, გარდა საქართველოს კანონმდებლობით დადგენილი უქმე დღეებისა (დღესასწაულები).

ბ) მომსახურება უნდა განხორციელდეს დაუყოვნებლივ, შეფერხების გარეშე (ურიგოდ), იმ შემთხვევაში თუ მომსახურება ითვალისწინებს მოცულობით სამუშაოებს, მომსახურება უნდა დასრულდეს 2(ორი) სამუშაო დღის ვადაში იმ გამოწვევის გარდა თუ დაზიანებული არ არის ძრავი, გადაცემათა კოლოფი და ხიდი;

გ) იმ შემთხვევაში, თუ ტექნიკური მომსახურება საჭიროებს დროის ხანგრძლივ მონაკვეთს (ასეთ შემთხვევაში ვადები განისაზღვრება შემსყიდველთან შეთანხმებით გონივრულ ვადაში, არაუმეტეს 10 დღისა). (მაგალითად როგორცაა ა) ძრავის შეკეთება/შეცვლა, ბ) სიჩქარეთა გადამცემის კოლოფის შეკეთება/შეცვლა; გ) ხიდის შეკეთება;

დ) ევაკუატორით მომსახურება უნდა განხორციელდეს საქართველოს მთელ ტერიტორიაზე 24 საათის განმავლობაში, უქმე დღეების ჩათვლით.

ე) ცენტრის ბალანსზე რიცხული მანქანების დათვალიერება, აგრეგატების და ცალკეული დეტალების დიაგნოსტიკა და დეფექტური აქტის შედგენა უნდა მოხდეს უფასოდ.

ვ) მიმწოდებელი“ ვალდებულია „შემსყიდველის“ უფლებამოსილ წარმომადგენელთან ერთად შეადგინოს სადეფექტო აქტი გასაწევ ტექნიკურ მომსახურებაზე ერთი სამუშაო დღის ვადაში.

ზ) თუ „მიმწოდებელი“ ვერ ახერხებს საკუთარ სერვის ცენტრში ავტოსატრანსპორტო საშუალებების ტექნიკურ მომსახურებას და მომსახურებას განახორციელებს ქვეკონტრაქტორ სერვის ცენტრში, ამ შემთხვევაში ტრანსპორტირების ხარჯებს აანაზღაურებს „მიმწოდებელი“.

თ) მომსახურების გაწევა უნდა განხორციელდეს ახალი სათადარიგო თავსებადი ნაწილებით. ცალკეულ შემთხვევებში შემსყიდველთან შეთანხმებით დასაშვებია მეორადი ნაწილების გამოყენებაც.

ი) მომსახურების გაწევის ადგილია ქ. თბილისი, მუხიანის დასახლება, აქცენტ ისაკიანის ქუჩაზე მდებარე რადიოქარხნის მოპირდაპირე მხარე (ნაკვეთი 05/014).

კ) მიმწოდებლის მიერ შეცვლილ/შეკეთებულ სათადარიგო ნაწილებზე (გარდა ძირითადი აგრეგატების (ძრავი, ხიდი, გადაცემათა კოლოფი) ნაწილებისა) გარანტია უნდა შეადგენდეს მიღება-ჩაბარების აქტის გაფორმებიდან არანაკლებ 6 (ექვსი) თვეს.

ლ) ძირითად აგრეგატებზე (ძრავი, ხიდი, გადაცემათა კოლოფი) გაწეული მომსახურების შემთხვევაში, შეცვლილ სათადარიგო ნაწილებზე გარანტია უნდა შეადგენდეს მიღება-ჩაბარების აქტის გაფორმებიდან არანაკლებ 1 (ერთი) წელს.

მ) მიმწოდებლის მიერ შეცვლილ შემდეგ სათადარიგო ნაწილებზე, უნდა ვრცელდებოდეს საგარანტიო ვადა, ავტომობილის მიერ განვლილი კომეტრაჟის შედაბამისად-- ძრავის კბილანა ღვედი 50 000 კმ, სამუხრუჭე ხუნდები 15 000 კმ.

ნ) სამუხრუჭე ხუნდების უხარისხობის გამოვლენის შემთხვევაში მიმწოდებელი ვალდებულია შემსყიდველის მოთხოვნის საფუძველზე საკუთარი სახსრებით ჩაუტაროს აღნიშნულ დეტალს ექსპერტიზა და ხარვეზის აღმოჩენის შემთხვევაში საკუთარი სახსრებით აღმოფხვრას აღნიშნული უხარისხობიდან გამოწვეული ყველა სახის უხარისხობა და ზიანი.

„შემსყიდველი“

„მიმწოდებელი“

გენერალური დირექტორი:

დირექტორი:

ლაშა კილაძე

ლევან სოლოლაშვილი